



INATSISARTUT

## Aningaasaqarnermut Naalackersuisoq

Ulloq: 14. november 2016

J.nr.: 01.31.06/16-00738

### Aningaasaqarnermut Akileraartarnermullu Ataatsimiititaliap pingasunngornermi ulloq 11. november 2016-imi aalajangiineranik Naalackersuisunut ilisimatitsineq.

### Naalackersuisut katitigaanerisa allanngortinneqarnerannut atatillugu ilassutitut aningaasaliiffiqineqarnissamik qinnuteqaat - Suliaq nr. 01.31.06/16-00738.

”Naalackersuisut **inassutigaat**,

- konto pingarnermi 20.11.50-imi, Ingerlatsineranut sillimmatinut tunngasumi, aningaasaliissutit 1.591.000 kr.-inik ikilineqassasut kiisalu
- konto pingarnermi 10.10.10-mi, Naalackersuisunut tunngasumi, aningaasaliissutit 1.591.000 kr.-inik” amerlineqassasut.”

### Aningaasaqarnermut Akileraartarnermullu Ataatsimiititaliap oqaaseqaatai apeqqu-taalu:

Soqanngilaq.


### Aningaasaqarnermut Akileraartarnermullu Ataatsimiititaliap aalajangiinera

Tamanna tunngavigalugu siunnersuut akuerineqassasooq **ataatsimiititaliami amerlanerus-suteqartut Siumup Inuit Ataqaatigiillu ilaasortaataa** inassutigaat.

### **Aningaasaqarnermut Akileraartarnermullu Ataatsimiititaliami ikinnerussuteqartut Demokraatit ilaasortaataat ikinnerussuteqarluni ima oqaaseqaateqassaaq:**

Pisortat ingerlatsinerata annertusitinneqarnissaa Demokraatit kissaatiginngilaat – isumaqar-pugullu Naalackersuisunut ilaasortat qulingortinneqarnissaannik aalajangiinikkut inuia-qatigiit aningaasaatai killeqaqisut kukkusumik pingaarnersiorneqartut. Isumaqarpuguttaaq immikkut aningaasartuutaanerussutaasup taassuma ingerlatsineranut sillimmatinit aningaasa-lersorneqarnera kukkunerusoq. Aaqqiissutaasinnaasoq tassaavoq aatsitassanut suliassaqar-fiup suliassaqarfimmut allamut ataatsimoortinneqarnera, taamaalillugillu Naalackersuisut suliassaqarfii qulingiluannngorteqqinneqarlutik. Annertusisitsineq taamaattoq nunatta karsi-anut aningaasarpassuarnik inuiaqatigiinnut atorneqartariaqaraluartunik akeqassaaq. Taama annertusisitsineq Naalackersuisunut ilaasortat qulingata immikkut akissarsiaqartinneqar-nissaanik, biileqartinneqarnissaanik, atorfilittat nutaat akissarsiaqartinneqarnerannik il.il. kinguneqassaaq. Aningaasaqarnermik sukangasuumik aqutsilersaarlutik Naalackersuisut oqarnerat, taamaakkaluartorli aningaasaatitsinnik killeqaqisunik nunatsinni ineriartornermut siuariartornermullu iluaqutaanngitsumik ingerlatsineranut atuinerat Demokraatinit eqqarsar-nartoqartinneqarpoq.

Med venlig hilsen



Jens Immanuelson  
Formand for Finans- og Skatteudvalget